



序

一亭霜者歌武功闈婦節也夫珉球之
十八亭稱一焉何故以一亭有死難之
婦是以稱苗變時死難之婦不一而定
如江濤九口曾艾一家胥遇害何以弗
稱以亡其姓氏故弗稱古山三牧珉球
這結隸其屬而鳳岐事又最以其妻若
子死曰情形無弗詳悉故即永霜之操



僅稱一亭焉。郎一亭而稱之固已。亭者婦之亭。霜者婦之霜。無與于武功。若後路諸公復壩陽。劓箐口為州。非為亭。胡為乎稱之。蓋假功以昭節。亦假節以叙功。況州解而亭解。州安而亭安。為州也可為亭也。亦可故並於一亭書之。南州七十七歲老人杜鈞竊莊序。

奏為攻解永豐圍城。狝苗全局。戡定飛摺。

報捷仰慰。

聖懷事竊臣勅。前將劓洗洞。洒當犬西。

處首逆賊。巢復攻克。巴林賊隘全獲。首犯

王囊仙。常七。縉鬚王抱羊。等節次具

奏在案。查洞洒當犬西處。掃穴拴渠各路

賊苗勢。俱瓦解。興義北鄉巨惡之王抱羊

又經拴戮。巴林要隘。又復剗通。苗情實已

萬分震懾惟俟永豐圍城一解狎苗大局
即為全定臣勒於八月二十七日由巴
林拜摺後接據臣與馮 汎由歸化一路
進解永豐之文武稟報自前此渡河攻至
魯貢亭坡冗寨等處沿路賊匪在在負固
堅持近聞大兵又從興義北鄉巴林一路
進剿永豐坡冗一帶賊匪攔阻漸形踈散
二十五六等日連克星盤坡磨形屯箐口

等處要隘殺賊甚多等語臣勒聞信之
下知官兵兩路進攻賊匪勢難周禦必須
趕緊由巴林進擊正可夾剿竄匪速解永
豐之圍當於二十七日未刻督同藩司常
明總兵施縉札郎阿原任總兵永寧帶領
將弁兵勇士練人等星夜由巴林進兵連
夜攻至灰渣龍場定頭等處地方處處均
有賊匪新札樹柵新堆石卡雖見官兵一

到亦俱鎗砲並施前來黨禦而神色總露
慌張明係賊勢本已窮蹙並受官兵兩路
逼剿難以兼顧旁皇失措不能堅持拒敵
我兵一鼓前進痛加刀殲除擊殺之外每
處生擒數十人及百餘人不等二十八日
寅刻攻至定頭探得總兵書廖袁敏副將
王格文光康士貴率同遊擊周廷翰守備
國琦知州程卓樑知縣鄭德佩府經歷崔

琳等帶領弁兵鄉勇於二十七日酉刻業
已攻解永豐圍城並經臣馮隨時飭辦
滾運軍火兵糧亦既趕到永豐城內臣勒
當即率領文武兵勇於二十八日巳刻前
進永豐州城該城內紳士民人因此城被
困最久一朝得解並知各處渠堑盡縛賊
苗從此得平莫不躍躍騰歡感頌
聖主天威無已惟永豐州受困已及九月

該州為黔粵交壤地處極邊初時各處避
難入城男婦較衆嗣因日久糧缺人多疫
重斃病而死者幾已及半現在民人皆係
鳩形鵠面神情極為可慘知州明安泰九
月以來督率民勇堅守危城精疲力竭現
亦患病守備江濤本係冊亨守備前歲來
永豐護理遊擊印務今年冊亨被陷之時
該守備一家妻子九口在冊亨全行被難

該守備在永豐州城晝夜力禦賊匪腿受
鎗傷保護危城無恙較他處守城文武實
為分外出力勞苦可憐其城內亦有紳士
捐助銀米攢助民勇堵禦防守出力者均
須遂加獎勵臣勅臣因知兩廣督臣吉
此時已可來到冊亨相距永豐尚有一百
數十里其間不無未降朱剿賊匪從中梗
阻臣一箇酌帶文武官兵親往冊亨一路

迎會一面派定文武在永豐州城趕緊查
辦陸續來降苗寨及時賑卹難民臣馮
飛籌安該臺站催運糧餉不但為永豐急
濟難黎且為大兵各處搜捕餘孽之用至
臣勒前已將剿蕩洞洒當犬等處文武
各員分別奏請

恩施在案今查永豐一處守城文武實在
以受勞苦保城有功其由歸化一路解圍

文武前在長寨廣順羅斛壩陽等處剿辦
賊匪歷著勞績此處進解永豐更為出力
自應請

旨及時加獎以勵戎行所有解圍出力之
文武內除總兵袁敏遊擊周廷翰已戴花
翎外其總兵書磨副將王格文光康世貴
四員請

賞花翎知州程卓樑守備國琦千總陳元

龍胡定邦外委馮忠葉芳六員請

賞藍翎候補知縣鄭德珮請以知州用候
補經歷崔琳請以知縣用其守城出力之
同知借補知州明安泰叅將鄒寬守備江
濤請

賞花翎並請將江濤加等以遊擊陞用皆
出自

聖主格外天恩其協同守城之教官捐助

銀糧之紳士人等各應查獎之處並兩路
解圍受傷陣亡之官弁兵勇及審辦打仗
擒獲賊苗各事宜另行續

奏所有攻解永豐圍城狎苗全局戡定緣
由謹專摺馳

奏仰慰

聖懷伏乞

皇上睿鑒謹 奏

嘉慶二年九月十五日內閣奉

上諭勒 等奏攻解永豐圍城仲苗全局
戡定並查明出力文武各員請加獎勵一
摺該員等自剿洗仲苗以來隨同帶兵打
仗防護州城俱能奮勉出力不辭勞瘁今
圍城已解苗境全就肅清自宜量加恩獎
所有解圍出力之總兵書磨副將王格文
光康世貴俱著加恩賞戴花翎知州程卓

標守備國琦千總陳元龍胡定邦外委馮
忠葉芳俱著加恩賞戴藍翎候補知縣鄭
德珮著以知州陞用候補經歷崔琳著以
知縣陞用其守城出力之同知借補知州
明安泰參將鄒寬守備江濤俱著加恩賞
戴花翎江濤並即以遊擊超擢又守備江
濤州同曾艾家屬人等前在冊亨時均被
逆苗戕害殊屬可憫除州同曾艾被戕前

已有旨優卹江濤現已賞戴花翎仍超擢
遊擊外所有該二員家屬人等仍著查明
咨部從優卹賞以示獎勵欽此

巡撫常為給劄事照得興義等府屬廳州
縣苗人向俱設有寨頭土目把事等勾攝
地方公事稽查寨內奸匪遇有案件詞訟
各歸地方審理彈壓歷以寧貼嘉慶二年
有玩法癩苗妄作不靖當經大加剿辦凡

有效順良苗俱得安居樂業所有一切善
後章程均為酌定以期永遠遵行因苗衆
生齒日繁良莠不一僅設寨頭等經管不
足以資約束且恐借端滋擾是以前督撫
部院 奏明以苗官治苗人管轄查察自
為得力按照各寨落添設苗守備千把外
委等官層遞鈐制酌分界址以專責成茲
遴選得黃鳳岐亭寨被圍一家死難該生

隨營打仗踴躍急公堪以承充上江土守
備官除另行刊刻條記頒發外合就給劄
為此札仰該土守備即便遵照爾等應聽
文武地方官轄屬其有界內所管苗人均
須留心約束口角細故許爾秉公調處如
有不安本分作奸犯科者即拿解本轄衙
門稟請審訊辦理務須嚴切稽查隨時勸
諭本部院現有約法訓苗四則刊刻通頒

爾等平日當以衆苗講解訓勉使知倫常
禮義安分執業俾向為盜賊者改過斂跡
素行克暴者漸臻良善爾果能認真體會
馴服苗民使知畏法保身地方寧靜定即
按等以次陞擢倘敢怠惰偷安貽誤公事
或任性驕縱或派累滋事以致苗情攜貳
定即斥革究辦按法創懲凜之慎之須至
劄者

程任齋觀察從軍紀畧嘉慶二年正月狝
苗大黃功王抱羊常朝元桑洪升等以王
囊仙叛初南籠府狝苗為頭目所轄役如
奴隸苦之有囊仙者洞洒苗人王文學之
女也年十六路拾五色卵傳為天賜供奉
之遠近疾病禱輒應遂以囊仙叛正月初
五日聚衆焚普坪進攻南籠時鎮標兵留
防銅仁未撤署守曹廷奎經歷金淳把總

楊文海等發礮擊斃大黃功營兵少有勺
水車薪之患王抱羊等肆出焚掠苗蜂起
攻愈急曹署府死金淳楊文海等率紳民
固守之永豐安南等州縣胥告警馮撫軍
自銅仁馳抵安順府先有提鎮珠隆阿等
駐永寧之關嶺撫軍遣經歷李淳陸光濂
沈化南管理糧餉胥遇害勢正急勒制帥
保常翼長明奉

旨馳至搃危巢奪關嶺而南解永豐園駐
安南縣籌糧餉調兵勇五月解新城園六
月二十日入南籠府八月十五日剿平當
犬洞洒等處捷

聞奉

旨改南籠府為興義府守城紳士唐士元
等

賞賚有差翼長常明解捧鮫黃草壩園總

鎮施楷剿北鄉餘匪不數月掃除殆盡先

是銅仁江岸得一碑有火龍又轉黔陽地

勒馬回頭定太平之句至是乃驗當撫軍

之初至安順也歸化被圍長寨定廣苗蠢

動撫軍檄余赴廣順州協鄭牧德珮商辦

州無城度形勢築卡募勇晝夜防堵有陳

生名端自壩陽來抵掌談曰欲保省垣先

守廣順欲守廣順先守壩陽壩陽者廣順

之障蔽省垣之咽喉也壩陽失而廣順危
廣順危而省城警矣壩陽隣近有九壘十
八堡堡民計數千人無官節制急則鳥獸
散請公駐此以資彈壓以備控制施以團
練之法不足慮也余心是之旋省見翼長
常述所知常然之命余壩陽堵禦撥兵聽
調遣且曰此志士効命之秋也觀爾能事
省會東南惟爾特勉為之余受命二月十

五日馳至壩陽千總陳蘭出迎生員陳端
鄭大南陳文治蔣准趙興榜聞余至願効
死力堡民亦裹餼糧輪流團守常公又調
千總鄔尚志把總徐耀廷帶兵二百名至
聲勢少振狎苗王明倫栢文采栢文相班
殿相王朝漢李連成等十餘人詣營乞効
用而壩陽遂為定廣長寨之障歸化被圍
急撫軍遣周遊府廷翰帶兵三百解歸化

圍入城據守苗舍歸化而蹂躪鷄場仇殺
堡民武生趙興榜劈數苗勢孤受傷僅以
身免賊屯小落着寨距壩陽十里勢甚猖
獗余僅健勇三百與壘兵力守而文協光
適至觀望不前聞王協格來余就商羅阿
堡以為犄角之勢王遲疑未發及賊礮一
響火焰冲霄而壩陽乃失余召堡民馳回
賊已搶前卡鳥機礮向營施放余督兵勇

死力進攻鎗傷穿白賊賊少却屯軍劉大
剛搶回礮位擊賊無數賊大至四面圍殺
傷從卒數人賊以竹標戳余胸余踰澗而
東徐把總與降苗栢文相等隨余至廣順
而王文二協並從弟卓材與陳端鄭大南
等亦次第到壩陽失而廣順警廣順警而
省會戒嚴矣余單騎回安順謁撫軍陳狀
撫曰爾書生也壩陽之失咎有歸矣余以

壩陽為西南前障不可不守若一面招撫
被脅之苗以分其勢一面增兵數百恢復
壩陽以壯其威剿撫兼施永豐可解也撫
韙之難其人余請往撫曰爾能如是吾無
慮矣從余請撤回文協退守定番郎命余
過舊州率保都司德帶兵四百隨之又命
王協國備琦添兵四百助之分兩路齊發
抵壩陽礮聲連天賊駭遁奔回小落着寨

而壩陽復得賊愈衆連日攻營余患之計
須解散黨羽兵力方有用遣鄭大南等安
撫後路疏通糧運探識王朝漢等為賊脅
無反意隨帶二十騎現往木廠壘曉諭王
協派兵百名隨後接應余至壘脚訊王朝
漢等何在其妻子咸伏地泣下明日即詣
營請死余慰之而返行不數里聞礮聲以
為接應者至谷口見賊由右山梁上抄營

後又有賊繞出營前作環攻勢王協督放鎗礮拒守營盤余潛入谷中令隨帶兵齊聲喊殺衆鎗轟響山鳴谷應賊疑伏軍發駭愕失措余帶二十騎縱馬冲出飛奔直前王協見余出亦揮兵弁出營痛殺親射賊目數人賊驚逃自相踐踏死傷無數生擒賊匪三十餘名余入營王置弓凝目熟視曰君從何來吾以君遂馬草願矣方君

出而賊大至咸以君受苗人約輕入賊穴賊得計併力來攻也余以前狀告一軍胥歡慰于是降者降竄者竄壩陽以北悉平北平而南猶未競賊衆磨蔓甚衆狗場藍千總告警余以力勝不如以情勝初降苗班殿相等為州中拘繫長寨苗訛傳班等已死順而見殺不如反也咸聚磨蔓為害余慰班殿相等親解其縛而遣之磨蔓之

被脅者見班釋咸感泣半為解體余即約
長寨安司馬嘉相定番陳刺史鵬四路會
剿殺賊無數擒首逆仙黃等二十餘名獻
俘安順而壩陽以南亦平矣時有未平者
東南之苗匪也賊匪陸阿天王官保等據
白老虎寨阻歸化糧運得該寨順苗吳士
忠等識賊虛實囑為內應會同王協赴剿
駐平虎營余與國脩帶領苗兵勇陟河直

搗賊巢賊擲石中余額兵勇奮力前進賊
奔濛鴨壘死守兵圍一晝夜生擒陸阿天
王官保壩陽之西南乃靖而歸化之糧運
以通歸化之糧通而永豐之路猶梗塞也
永豐賊陸阿岩王抱羊等圍城未解曰肆
燒搶亭曰王居仁等來壩陽陳訢乞兵往
剿余詢悉賊情均因匪苗迫脅非敢樂禍
者先給示招撫早降者免死密遣人探悉

路徑以備進剿時余陞普安知州轉府回
謝中丞出制帥札大軍將平洞洒當犬後
路程收調度甚好即督同協鎮進解永豐
毋悞余奉命出與康協世貴帶兵一千浩
浩蕩蕩向壩陽進發時胡備元被圍白卯
關與康救之又賊據上下白石崖會周遊
府攻之歸化之遠近胥平而永豐之門戶
可入矣由椒紫屯至永豐有播東播西兩

路駐壩陽之日探悉羅斛糧運可通永豐
之王母亭亭目王居仁得苗心遣把總徐
耀廷生員陳端厚結之以資前障時書鎮
磨帶兵二百自蘆山來會即請書鎮康協
帶兵八百由播西至百層以達永豐余與
王協由播東高坎石壘至者坪並囑從弟
卓材經理糧運留兵守椒紫等處糧臺軍
駐者坪徐弁陳生引王居仁來稱王母運

道已通唯賊據羅閣亭與紅水江賊陸阿
勞相助為虐沿江阻扼深為糧運之害余
患之有順苗黃士貴者詣營乞効力余詢
以進解州圍之策據士貴稟稱至永豐必
通箐口通箐口必過龍渡過龍渡必先剿
紅水江余然之密詢弁兵得善水者二十
餘人命外委曾必貴以油紙裹礮率兵過
江夜伏賊巢外箐以待天方曙余與國脩

隔江發礮曾必貴等拋火入賊穴賊驚出
曾傷賊目賊上下受敵乃奔曾焚巢而回
次日陸阿勞隔岸呼降黃士貴保之命往
羅閣者儼等亭招逆苗降縱之往不數日
苗情悅服而糧運乃通阿勞去羅閣時余
密遣居仁回脩竹木釘纜等物運至龍渡
留兵一百防守者坪穿樹沿江得以督兵
前進馬軍抵龍渡賊首陸阿厓力甚巨手

特鳥機礮對岸禦敵鐵子大如李落余帽
正依險要劄定而居仁運竹木至乘賊懈
紮筏夜渡據山結寨夾江對壘時書鎮王
協由播西到駐百層約書鎮於龍渡合軍
會剿陸阿厓攻克後語書鎮曰毋輕進箐
曰以箐曰羊腸鳥道下臨深谷上有磨形
堦高百丈為賊所據且有坡要嶺以為犄
角之勢不易圖也書陽諾之余留周遊府

屯兵龍渡令黃士貴約順苗備人夫將移
營魯貢先至以畧其地及回龍渡路遭趙

千總

廷棟

稱奉書鎮令帶兵二百將通箐

曰解州圍余緣趙績甚著惜之携手泣曰
箐險豈可輕入是速爾死也趙亦陽諾之
而去余回龍渡王協迎語余曰吾等死力
至此此去州城僅數十里解圍之績竟歸
書公矣余曰必不能恐箐口能入而不能

出可惜二百人性命俱作深巖之鬼且嚴
守以待會崔別駕琳帶兵勇自羅斛至亦
嚴守待曰天曉而信已至趙與二百人無
一生還書鎮跟蹠入魯貢雖前此壩陽之
失不似此次之慘也余語王協崔倅曰賊
情如犬羊得勢則進彼恃箐口之勝定來
爭據乃留兵守龍渡急與王崔督兵勇護
軍火趨魯貢據山頭蓋至此凡三淹駐矣

忽牛角聲起喊殺連天詢之賊搶在途糧
火弁兵以有箐口之敗不敢輕敵余跨馬
出黃士貴等隨之而國脩躍馬出弁兵亦
出奮殺賊匪奪回糧火燒賊寨落賊奔去
魯貢乃定去魯貢十餘里曰坡要嶺曰巧
雲寨北鄉賊王抱羊糾連州苗踞之余與
王協計議定王協往攻坡要嶺賊揮巾舞
扇跳躍而至如雲騰浪湧勢甚猖獗王協

督兵力敵忽嶺頭雷霆下擊火光燭天鐵
子亂穿羽簇飛貫烟衝空際見豎我兵旗
幟響以之數千鷄旅自半天而下如猫之
捕鼠見苗即殺燒苗寨二十餘處生擒男
婦十餘人誅戮無算礮傷王抱羊之腿而
逸苗匪深為駭愕乃余詢明坡要巧雲路
徑一畝遣弟卓柱沿站曉諭大軍刺曰進
州需糧無悞以安後路心一畝遣黃士貴

招撫順苗得敢死義勇百人聽用查有者
儼寨順苗現充義勇可用囑為內應遂與
崔倅所帶羅斛亭目黃時海並所部義勇
二百名繞道躋坡要嶺先令隨卒蔣光斗
等飛上山嶺殺守嶺賊跋賊幟易吾幟並
分據巧雲寨遂痛剿之魯貢一帶苗人無
不詣營乞命効犬馬勞正剿撫間而制帥
撫軍胥差弁至見軍威大振各馳歸報命

馬余以箐口之險方籌攻進之策而書鎮部卒憤二百人之死乘勢出星盤口焚苗寨苗奔磨形壘死力拒禦楊脩國勛戰兩晝夜不能下余患之囑弟卓柱留魯貢經理糧運商同王協督兵勇至星盤救應時鄭大南私出以恩威示之冀其解體賊哭出傷左腿義勇李士傑救之余馳視見勢不可退遣告王協令國脩帶兵三百各帶

火毬數百夜半入賊壘兵勇鼓喊鎗礮連發賊宵遁箐口賊亦潰楊國二脩分守箐口磨形壘余乃餐卒秣馬令徐耀廷陳端悉發魯貢糧餉人不離鎧候天曉率鄉勇押運糧馬而行遣黃士貴先入城約城內弁兵接應或疑當稍緩牽袖挽留余曰緩則生變遂出箐口不五里州中兵弁排對出迎自二月十五日駐壩陽剿撫苗匪至

八月二十七日前後一百九十二日始解
州圍良非易易也余入城兵民見糧至咸
忭慶王協書鎮亦于午刻入次日施鎮亦
隨制帥抵州安慰難民布置卡要分別順
逆以施誅賞守城紳士俱予賞賚 奏

聞奉

旨改永豐州為貞豐州

加勅帥侯爵文武員弁各有陞賞並 奏

賞戴花翎藍翎有差勅侯慰子曰由壩陽

入州汝勞苦特甚已 奏蒙

恩旨賞戴藍翎候有相當缺出當擢汝以
酬也疊由台拱廳陞調黎平興義貴陽諸
府旋擢貴州糧儲兵備道

大正

Vertical lines for writing on the right page.

